



बड'सा'याव लिर'ह'र'नायनि हु'बा ख'लाम, 'बड'सा' ख'रौ'लाइयाव खेब'ख'ान'नै फो'ब'राव'गो'ल।
बड'सा'याव लिर'ह'र'नायनि हु'बा ख'लाम, 'बड'सा' ख'रौ'लाइयाव खेब'ख'ान'नै फो'ब'राव'गो'ल।
बड'सा'याव लिर'ह'र'नायनि हु'बा ख'लाम, 'बड'सा' ख'रौ'लाइयाव खेब'ख'ान'नै फो'ब'राव'गो'ल।

BODOSA ★ A Bodo News Daily ★ Tuesday ★ 4 June, 2024 Kokrajhar, BTC, Assam ★ Vol.- 34, Issue No. 69 ★ R.N.I. Regd. No. 40994/91, Assam Govt. Regd. No. IPRD.40/2006/3, ★ Rs. 8/-

बाकसा जिल्लायाव धारा 144 फोसावदों

मुसलपुर, 3 जुन: लक सभा बिसायख 'थिनि भट सान्नाय हाबाफारिखौ मोजाडै आरो गोजेनै खुंफुंनो थाखाय बाकसा बिसायख 'थि मावख 'गिरि आरो बाकसा बिसायख 'थि जिल्लानि जिल्ला बेंगिरि कृष्ण बरुवाआ बाकसा जिल्लायाव भट सान्नाय साननिफ्राय थामहिनबा 4 जुननि फुंनि 5 रिगानिफ्राय अखानावै, अदेबानि 5 जुननि बेलासिनि 5 रिगानिफ्राय भारतारि साजा आयेननि सिडव 144 धारा जाबसिन्दों। बे साननैयाव (□ 5 बिलाइआव)

दिनै लकसभा बिसायख 'थिनि फिथाइआ फोसावजागोन कक्राझार लकसभा बियाबआव एनडिएनि बिजाथि महरै आनि देरहानाय रोखा : जयन्त बसुमतारि

कक्राझार, 3 जुन: गाबोन मंगलबारखालि हादतनि 18 थि लकसभा बिसायख 'थिनि भट सान्नाय एबा फिथाइ फोसावजागोन गेजेराव माखासे घन्टासोल' आद्रा दसै। राजखान्थियारि बादयाव आथिखालाव मिज्जिथिनाय थासारियाव दड्लोबो हादतनि



गासेबो नायबिजिरा आफाद आरो माहारियारि टिभि चनेलयाव थानाय शनिबारखालि फिन नरेन्द्र मदिनि दैदेनायाव सरकार दागोन होन्ना सिगांग्रो इयुनखौ सानखान्थिनाय बिबुंथि होनाय उरनिफ्राय एनडिएनि बाहागो थानाय दोलो (□ 5 बिलाइआव)

कक्राझार बियाबनि फिथायखौ लानानै राजखान्थियारि हान्जानि बिजाथिफोरनि गेजेराव हां लाख' हायै थासारि

कक्राझार, 3 जुन: दुलाराइ हादतजों लोगोसे 4 जुन मंगलबारखालि आसामनि बिटिसिनि सिडव थानाय कक्राझार आरो दर-उदालगुरि बियाबाव भट सान्नाय हाबाफारि खुंगोन। कक्राझार बियाबनि फिथाया मा जागोन बेखौ लानानै राजखान्थियारि हान्जानि बिजाथिफोरनि गेजेराव हां लाख' हायै थासारि सोमजिदों। बे बायदिनो रडजो-रजाफोरनि गेजेराव गोख्रों जिगासिनाय थासारि। सोर जागोन कक्राझार बियाबनि सुबुं थान्दै। मख'नो गोनांदि, आसामनि मोन 14 पार्लियामेन्टारि बियाबनि

गेजेराव बयनिखुइबो मान गोनां बियाब महरै सिनायथिजानाय बियाबा जादों 1 नं कक्राझार (एसटि) लक सभा बियाब। बे बियाबआ बयनिखुइबो मान गोनांसिन बियाब होन्ना मिथिजायो। बे लक सभा बियाबनि सिडव गासै मोन 9 बिधान सभा बियाब दड'। बेफोर जादों 1 नं गसाइगाव, 2 नं दतमा (एसटि), 3 नं कक्राझार (एसटि), 4 नं बाउखुंग्रि, 5 नं पबटझार, 19 नं सिदली (एसटि), 20 नं बिजनी, 41 नं मानास आरो 42 नं बाकसा (एसटि) बियाब। (□ 5 बिलाइआव)

हरखाब जाब्रबथायनि समाव गथ'सा लोगोआरि जायगाफोरनि सायाव मावबादा बेखेवदों



गुवाहाटी, 3 जुन: 3 जुननिफ्राय 15 जुनसिम मोन 3 बेचफोराव हरखाब जाब्रबथायनि समाव गथ'सा लोगोआरि जायगा (सिएफएस) नि सायाव जिल्ला थाखौनि हान्जाफोरनि थाखाय मोनसे राइज्यो थाखौनि गोहो (□ 5 बिलाइआव)

बजालि जिल्ला खुंथायाव लक सभा बिसायख 'थिनि भट सान्नाय हाबाफारिनि थाखाय थियारि

बजालि, 3 जुन: लक सभा बिसायख 'थिनि बजालि जिल्लानि सिडव थानाय 26 नं बजालि बिधान सभा बियाब आरो 21 नं भबानिपुर-सरभग बिधान सभा बियाबनि थाखाय पाठसालानि भटेददेब मुलुगसोलोंसालियाव भट सान्नाय मिरु गायसन्नाय जादों। (□ 5 बिलाइआव)

फैगौ 11 आरो 12 जुनआव एबसुनि जर'खा थान्दै मेल आरो मुंख्लं सान फालिनो साखा-फारा साइमन मुसाहारिखौ चैयारमेन आरो नबिन नार्जारिखौ कनभेनरनि बिबान होनानै बान्जाय आफादखौ आबुडै दाबाय

कक्राझार, 3 जुन: दुलाराय बर' फरायसा आफादआ बड'लेण्ड मुंख्लं सान फालिनयजों लोगोसे जर'खा थान्दै मेल जथुमखौ बोहैथि जुन दाननि फैगौ 11 आरो 12 खालार आव साननैनि हाबाफारिजों कक्राझार जिल्लानि जमदुवार दख'रा एबसुनि आवथायाव थानाय रायमना फ्रेण्डस क्लबनि गेलेग्रा



फोथाराव खुंफुंनो थाखाय थि बान्जाय आफादखौ दिने रायमना खालामदों। बे हाबाफारिनिनो (□ 5 बिलाइआव)

फुटबलनि गेजेरजोंबो बर 'फोरखौ बुहुमआव सिनायथि होनो हानायनि खाबु दड : दिपेन बर'

उदालगुरि, 3 जुन: एसियानिनो गोजामसिन मुंदाखा फुटबल टुर्नामेन्ट डुरान्ड कापनि 133थि बादयालायनायखौ बोहैथि बोसोरनिनो फैगौ 26 जुलाइनिफ्राय 31 आगस्टसिम भारतनि गुबुन गुबुन जायगाफोराव खुंगोन। बे खेबावबो डुरान्ड कापआव बि.टि.आर ओनसोलनिफ्राय गेलेनो खाबु होनायलाय बड'लेण्ड एफ.सिनि ट्राइलखौ



थानाय 26 मेनिफ्रायनो बि.टि.आर ओनसोलनि गं 5 जिल्लायाव खुंनाया दिने उदालगुरि जिल्लायाव जोबनानै थाडे। बेनिनो दिने उदालगुरि

जिल्लायाव बड'लेण्ड एफ.सिनि ट्राइलखौ हांखायहरनाय लेखायै बेखेवनानै होयो दुलाराय बर' फरायसा आफादनि आफादगिरि दिपेन

बर'आ। बेखेवनाय बिबुंथियाव बिथाख एसियानिनो गोजामसिन डुरान्ड कापआव बड'लेण्ड ओनसोलखौ गेलेनो खाबु (□ 5 बिलाइआव)

कक्राझार जिल्ला खुंथाया भट सान्नाय हाबाफारिनि थाखाय आबुडै थियारि

कक्राझार, 3 जुन: बावैसो सिगां खुंफुंजानाय लक सभा बिसायख 'थिनि भट सान्नाय हाबाफारिनि थाखाय कक्राझार जिल्ला खुंथाया थियारि जादों। 4 जुन मंगलबारखालि फुंनि 8 रिगानिफ्राय भट सान्नाय हाबाफारिया जागयजेगोन होन्ना मिथिहोदों कक्राझारनि रिटानि बिबानगिरि प्रदिप कुमार द्विबेदिआ। भट सान्नाय हाबाफारिनि थाखाय सा 300 बिबानगिरिफोरा थियारि जादों। मिथिनो मोन्नाय बादिब्ला, कक्राझारआव भट सान्नाय मिरुआव 3 खोलोबनि गोख्रों रैखाथिनि राहा खालामनाय जागोन। भट सान्नाय हाबाफारिखौ गासै मोन 15 रडजोआव खुंनाय जागोन। कक्राझार लक सभा बियाबाव गासै मोन 5 भट सान्नाय मिरु दड'। कक्राझार, गसाइगाव, चिरां बिजनी आरो बाकसाआव भट सान्नाय हाबाफारि खुंगोन। भट सान्नाय मिरुनिफ्राय 100 मिटर गोजानसिम गंसेबो गला-फालांगि फसंथान बेखेवनो हानाय नड होन्ना फोसामयदों जिल्ला खुंथाया। (□ 5 बिलाइआव)

बिटिसिआव बर' बिजोंनि फरायसालिखौल' सरकारी खालामनाय थांखिखौ दुलाराय बिटिआर सरकारी नडै गुदि फोरोंगिरि आफादआ फिन्जाथाय होदों

कक्राझार, 3 जुन: बिटिसिआव असमीया आरो गुबुन गुबुन हारियारिनि रावखौ नेवसिगारनायनि अजद दैखांजाबाय थानाय समावोनो बिटिसिनि बर' बिजोंनि फरायसालिफोरखौ सरकारी खालामनायनि नांगोबायदि राहा लानाया थियारि जादों होन्ना सोलोंथाय मन्थि डा: रज पेगुआ (□ 5 बिलाइआव)



फैगौ 6 जुनसिम राइज्यो नाडैनो इयेल्ल' एलार्ट फोसावदों बोथोर बिज्ञान विफानआ

गुवाहाटी, 3 जुन: फैगौ सानफोराव राइज्योआव बोथोरआ गिखंथाव महर लानो हायो। फैगौ सान 4 सिम आसाम नाडैनो इयेल्ल' एलार्ट फोसावदों बोथोर बिज्ञान विफानआ। थानाय रबिबार हरनिफ्राय राइज्योनि दाब-दाब जायगायाव जुब-जुब अखा (□ 5 बिलाइआव)

बेसेन बांनयखौ बन्द खालामनांगौनि दाबिजों रडियाआव आसुआ सोमावसारदों

रडिया, 3 जुन: दुलाराइ आसाम फरायसा आफादा दिने गोनांथार मुवा-बेसादिनि बेसेन बांनयनि हेँथायै खुद्रिसारनानै रडिया राजा लामायाव जगायथाय मन्थि रन्जित कुमार दासनि मुसुखा सावो। गोनांथार मुवा-बेसादफोरनि बेसेन बांनयखौ होबथानाय फेलें जानायनि (□ 5 बिलाइआव)

गोनांथार मुवा-बेसादिनि बेसेन बांनयनि हेँथायै तामुलपुर जिल्ला आसुआ हेँथा सोमावसारदों



उदालगुरि, 3 जुन: जिउ रैखा खालामग्र मुलियारि बेसादजों लोगोसे गोनांथार मुवा-बेसादिनि बेसेन बांनयनि हेँथायै राइज्यो नाडैजों लोगोसेनो दिने तामुलपुर (□ 5 बिलाइआव)

बरबरि दख 'रा एबसुआ गुन गोनां फरायसा फोरखौ बरायदों

मुसलपुर, 3 जुन: बाकसा जिल्लानि बेन्दोंआव थानाय बरबरि दख 'रा एबसु आरो बरबरि गुदि बर' थुनलाइ आफादआ थानाय 2024 इ माइथायाव बर' बिजोंआव फरायनानै सेथि थाखोआव मेट्रिक आनजाद उधिसरनाय आरो गेजेर जौसिन फरायसालियाव सेथि मासि लानानै उधिसर जानो हानाय फरायसाफोरखौ बरायनायजों लोगोसे मान बाउनाय हाबाफारि लायो। बे बरायनाय आरो मान बाउनाय हाबाफारियाव बर' बिजों जों फरायनानै मेट्रिक आनजाद उधिसर जानो हानाय



सा 23 जोन गेजेर जौसिन फरायसालिनि आरि मु आयदायाव सा 18 आरो गोनोखो आयदायाव सा 11 जोन फरायसाफोरखौ मान बाउनायजों लोगोसे बरायनाय जायो। रन्जन रामसियारिनि मेल सामलाइनाय बे बरायनाय आरो मान बाउनाय हाबाफारियाव (□ 5 बिलाइआव)

इउ.एन. एकाडेमि, झारबारि

ला.सो :- झारबारि, जिल्ला : कक्राझार वि.टि.आर. (आसाम)
गायसननाय :: 2015

URGENT TEACHER REQUIRED AT U.N. ACADEMY, JHARBARI

Applications are invited from qualified and experienced male/female candidates for the following post -

No. Post	Name of Post	Qualification	Experience
01	English Teacher	*MA English / BA (Hons.) in English + B.Ed./D.El.Ed	Minimum 1 year
01	Accountant	*M.Com. / B.Com.	Minimum 1 year
01	Chowkider	HSLC or Equivalent	Minimum 1 year
01	General Subject	MA/BA+ B.Ed/D.El.Ed	Minimum 1 year

Candidates should send their Bio-Data form, duly filled along with self attested copies of all certificates to - The Principal U.N. Academy, Jharbari.

Dist - Kokrajhar (Bodoland)
PIN - 783346

Or E-mail at - unacademyjharbari2015@gmail.com

Through the link below

<https://sites.google.com/view/unacademyjharbari/menu>

Last date of submission: 10/06/2024

The interview will be conducted on June 15, 2024 at 10.00 am in the office of UN Academy, Jharbari.

Bring your all testimonials while appearing for an interview.

For further details

Phone No. 7896119370-7002247747

Sd/-
JWNGMA BASUMATARY
Principal
UN Academy, Jharbari

MAKE FUTURE BRIGHT

ADMISSION FOR THE SESSION 2024-25

1. Bachelor of Physiotherapy (B.P.T.) : 4 Years & 6 Months Internship
2. Bachelor of Science (B.Sc.) also : 4 Years
3. Bachelor of Information Technology B.Sc. (IT) : 4 Years

Better to Study BPT/B.Sc. (IT) for Job Warranty 100%

Dr R. N. Sinha
Principal
Science College, Kokrajhar

बयनिबो नख 'राव बाहाय जानाय गोदै सिनिखौ मानो सिनि होन्ना बुंनाय जायो मिबथिगौना ?

बयनिबो ओंखाम संग्रायाव गुबुन मुवाफोर थायाब्लाबो सिनिखौ एसेब्लाबो मोन्तो थाडे। बेनि गोदैया बयनिबो खुगायाव गलायनानै थायो आरो बेखौ जोडे गावनिफ्राय जानगार खालामनो हाया। गाहायै सिनिखौ खुसेरनिफ्राय बानायनाय जायो। नाथाय बेखौ आबुडै भारतआवनो बानायनाय जायोब्लाबो सिनि होनानै मानो बुंनाय जायो। बेयाव माखासे भिटाभिनफोरखौ मोन्नाय जाया आरो जायखि जाया रोखोमनि खनि मुवाफोरखौबो मोन्तो हाया। अब्लाबो सिनि गोदैखौ साफ्रोमबो सुबुं मोजां मोनो। मख 'जाथावदि,



सिनिफोरखौ गुफुर सना होन्ना बुंनाय जायोमोन। गुफुर गाबनि जौखोल सिनिखौ गाहायै खुसेरजौ बानायनाय जायो। मोनसे समाव बेयो औरैबायदि बेसेन गोसामोनदि, फालांगिफोर आरो रजा महाराजाफोराल' बेखौ बाहायनो हानाय जायोमोन। खुसेरनिफ्राय सिनि दिहुन्नाय हाबाफारिखौ भारतआवनो जागायजेन्नाय जादौमोन आरो खुष्ट गिबि 7 थि जौथायाव लिरनाय आयुरबेदिक ग्रन्ट 'चरकसंहिता'आव बेखौ मिबथिहोनाय जादौ। कौतिल्यनि 'अर्थशास्त्र'आवबो गुर मिथाइजौ लोगोसे मोनबा रोखोमनि गोदै



एबा सिनिखौ मख 'नाय दड। मुलुगाव बनि गोजामसिन सिनि बानायनायनि गुबुन खेंफोरथि गैया होन्ना बुंजायो। भारतनिफ्रायनो मुलुगानि गुबुन हादतफोरार सिनिखौ लानाय जायो। भारतआव सिनिखौ गोदै मुवा होन्ना बाहायनाय जायोब्लाबो बे सोदोबा चीन हादतजौ मावा सोमोन्दो दड नामा एबा बेनि ओंथिया मा बेखौ रावबो मिबथिया। भारतआव बाहायग्रा गोदै मुवाया आधिखालनि सिनिनिफ्राय आलादामोन। खुसेरनि बिदैखौ गुदुं खालामनानै आरो बेखौ फोरानानै शक्कर एबा गुर बानायनाय जायोमोन। जौखोल आरो फिसा फिसा बेगर बायदि गोदै सिनिया चीनजौ गोथो सोमोन्दो दड। 13 थि जौथायाव इथाबली फालांगिरि, संदानगिरि आरो राजथान्दे

फरायसानि गियाण

जौलाय गोसो गोथो फरायसाफोर जैरेबो जै जै आखा फाखा मावनाय-दांनाय फरायनाय लिरनाय जैरेबो जौलाइ जेना-जेना, रावनिबो गेजेन नड। हारिखौ फोजोगोन माहारि फोथांगोन, जौ फरायसुला जौ फरायसुलि जौ बयबो खौसे जाना। मावगोन दांगोन ज' ज' अनलायना, आय-आफा मोनजौ-मावफागोन दांफागोन ज' ज' अनलायना थागोन जौलाय। आय-आफा मोनहा थिनहरो जौखौ फरायसालियाव थादौ होना थाडे जौलाय दुगैये लोबै, गोथार बिद्या सोलोसांलि मन्दिराव। जौ फरायसालिनिफ्राय गखानायनि उनाव गेलेयो जौलाइ उदां गोसो होसारना, फरायसा जौलाय फरायसा रावखौबो गिया।

मुसि असिन्ध नाजरी
गामि- थालिठबारी
जिला- कक्राझार बि टि सि (आसाम)।

जांखिथाय

आय' ! मा इसि दुखु 'नांथाव जांखिथाय बेलाय। नाजादौमोन नौ बर' हारिनि गुलाय गुजायखौ स्राखालामनो, नाजादौमोन नौ गावनि जिउखौ बावनानै बर 'नि बड'लेण्डखौ मोकथाडव लाबोने। आखायाव थसेल' जौनाय बनजार लानानै सिगादौमोन नौ



मार्कफल 'नि ग्रन्टफोरार फोरमायनाय जादौदि, चीननि बादशाह कुबलाइ कांआ मिखनिफ्राय कासिर लिहर्दौमोन, जायफोर चीननि सुबुंफोरखौ जौखोल फिसा फिसा सिनि बानायनो फोरदौमोन। सिनि बानायनाय बे आदाबखौ मुगल मुगायाव चीननिफ्राय भारतआव लाबोनाय जादौ। बेनिखायनो बे आदोबजौ बानायनाय गुर एबा गोदै मुवाखौ सिनि होन्ना बुंनाय जायो। बे मुड गुफुर गुरनि थाखाय औरैबायदि गोरोबफलेदौ आरो बयजौबो बाहायजादौ,



जायनि जाडनाव गुफुर जौखोल सिनिया बयनिबो न'-न' सौहैयो। रेकड महैर भारतआव 1610 माइथायाव गिबिसिन सिनि मिल बानायनायखौ मिबथिनो मोनो। सिनियव मख 'जाथाव भिटाभिन एबा खनि मुवा गैयाब्लाबो बेखौ डाइरिया, गोबानाय, गुजुनाय-लोमजानाय बायदिफोरार बाहायबोनाय जादौ। बेनि अनगायै गायय एबा जोखोम जानायफोरखौ रोदोमखौ होनायनि थाखाय इउरपआव सिनिखौ बाहायनाय जायो। गोसोआव लानो गोनादि, सिनिखौ थि बिबानि जायोब्ला स्वाद मोनो आरो सिमा गैये गोबांधार जायोब्ला बेरामफोरखौ बोना लाबोनायबो जायो। □



समा दा बेसेबां जाखो.... ?

ओइ ! आदा रामोन्दा
नौ मिथिगौना
समा दा बेसेबां बाजिखो... ?

माथो बोथोरा दिने गात्रिथार
सान्दुंबो जुजा हालिया
बोरै मिथिबावनो
समा दा बेसेबां बाजिखो.... ?

आफाया अफिसाव थानो
समखौनो मिथिना मोनाखिसै
बुब्लिनि गेलेनायाव
समा दा बेसेबां बाजिखो... ?

आइआ बुंदौं...
दाथासै दिने मावख 'सिम
नाथाय, आफाया गिदौं
दिने थाडब्ला मेनेजारा
सास्पेट खालामगोन
अब्ला,
समा दा बेसेबां बाजिखो.... ?

अनजाथाव बसुमतारी
बिजनी।'

बर हादर आरो हारिनि लामा दिनथिनो। नाथाय हायाखिसै नौ माखासे सिनाय मोनै उदखारि फोरनि आखायाव आस'खान्दा जिउ गारलांबाय। हायाखिसै नौ बर' हारिनि बड'लेण्ड सोरजिनानै होलांनो,। नेरसोन थाबाय सनानि हांखो जौ नौनि मुड बड'लेण्ड जांखि खानायाव।

श्री समेन नाजरी
ला:सो:- फाटगाव
जिला- कक्राझार बि टि सि आसाम

रंजालि गथ'फोरनि सौरा

सोर गुमुर मोननो

मानसिनि जिउ लामायाव
मालादि बिलिर फैयो
बांफि खबा माबोरै
सोर गुमुर मोननो

रैदोम बर', बाक्सा

फैमाल थांबाय

फैमाल थांबाय आं आरो नौनि मोजां मोन्नाया। जाथाय गावखौनो गाव आं जेबो बुजिनो हायाखिसै, नाथाय नौदि आंखौ जोबोर मोजां मोनदौमोन। नाथाय आं नौनो अन्नाय आरो मोजां मोन्नायखौ नौनो होजोबबायमोन। नाथाय नौ आंखौ नागारनायाव आं जोबोर दुखुबो जादौं। नाथाय आंखौ दा नौ हास्थायब्लाबो मोन्नाय नंला नाथाय दा आंनो रावखौबो नाला नौजौ गारजानायनि जुनै सना। नाथाय नौ आंखौ गारनायाव पाप नांबाय। आरो नौ आंनि लाइजामाव इन फजिबोल लिरनायाव आं गाबनो ओंखारदौं।

दैदेन ब्रह्म
फरायसालि- भावरागुरि बिन्धा खाता
गोसौ फरायसालि
गामि- कफरागाव

हाबिला

नै अनसुली रजे फांदां नौनि समाइना महराव आं गोजावबाय दाहाजौ लोगो मोनैयाव रुंगु हरे फारसे। रंगिना संगिना बिबार बारियाव नौदि बारसेल बिबार गोबौनि जागोनदा नौ आंनि अनसुलि रजे थैस थांस अराय समनि। नौखौ लानानै सुजु दौमोन दौसे समाइना रमाइना बिबारनि माला नाजावगोनदा नौ आंनि सुजुनाय बिबारनि मालाखौ। गोजोन जागोन आंनि जिउआ होफेयोबोला रजे नौनि अन्नायनि थरथिसे थे रानलानाया सोलेराव आंनि

मुश्री माधव बर'
ला:सो:- 3 नं दिहरा,
जिला- बागसा बि टि सि आसाम

सौहैगोन आं माबोला

सिगाडव नुहरनाय, लैथो बारै, बै हाब्रानि सेराव-माबोला सौहैगोन आंनि मिजिं। दुखुथिया जिउखौ दुंबुत मेगननि निजिरा-फुगारनो थाखाय सोरबा दड नामा मिजिं ? नड नड गुबुन गोसोनि अन्नाय-बरसा खालामनाया आंनि जाथावना नड जिउनि। बैथा गैयै दिडनि सायाव, थानो साना आं लैथोनि गेजेराव। गबगोन जेबोला बैयाव, बोखानो गैया रावबो बुहुमाव। सोनारा आं रावनिबो सायाव, दावबायगोन आं हारिसिंडेनो। बै गोजोन बुब्लिनि हाब्राडव-सौहैगोन आं माबोला.....।

श्री सोरांसार बसुमतारी।
गामि- सानजा मावरियागाव'
जिला- कक्राझार बि टि सि (आसाम)।

बेलासि समाव

बेसेबा मोजां, बेसेबा समायना बेलासि सम बेलासि समनि समाव आं जेब्ला गसायखौ खुलुमो। अब्ला आंनि बिखा बिख्लो गोथार सानाय लाना गोजोनो बेसे गोथो बेसे दाहार दसेनो आरो दुखुनि बोहैथिया सुम्रांलाडे। दानदिसे सम ईसोरखौ खुलुमोब्ला गियायनि गुथाल सौदावफैयो ईसोर मानसिनि गोजोना बेसे एसे नाथाय दुखुआ बांसिन। बेलासि समाव आंनि गोसोआ रंजानायजौ बाज्ज'यो। जेब्ला ईसोरनि महरखौ गोसो जौ आं नागिरना खुलुमो... अब्ला नागिरो गियायनि लामायाव आगान सुरनो। नाथाय दं गोबां सौदाव- सौसि बेनो गोसोखौ हमथायो। आं मोनथियो गोसोआ जोबोर दुस्त' बेखौ नडब्ला बैखौ। बेनिखायनो ईसोर नौ आंनि जीउआव गोथार गियायनि बोर सांफि दानि जुगाव गावजौ-गाव सिनाया हे-ईसोर। दानि समाव रावबो फोथाया,गात्रिनि लामायाव आगान सुरनाय। बे आंनि जीउनि बेलासि समाव जेब्ला आं ईसोर नौखौ फुजियो..... आंनो गियाण हरो नौसोर आफा-आइ आंखौ बुजाय दानदिसे सम। बे आंनि थार साबसिन जीउनि समायना बेलासियाव जेब्ला गोसोआ गियायनि गोजोन बार हाबफैयो अब्ला दसे सम गियायनि लामा थाबायना मानो थाथ'फिनो आंनि गोसो।

दुथां ब्रह्म
कक' राझार।

सेरजानि देंखो

बै नुहरहायै बेसेबां गोजान नुनो मोनै खोनानो मोनै बै लैथोमा सेरनि अरन बारियाव। सोर आयजोआ सेरजानि देंखोजौ आंनि गोसोखौ रिसार होखो आंखौ, बिहा मा गोमाखो मा जाथाय जाखो सोर दुखु गोनां गावनि जाथायफोरखौ सेरजानि देंखोजौ फोरमायदौ रैसुमै गारांजौ। नुस हायै खोनानो मोनै अरन बारियाव आंनि गोसोखो खामगिलहोखो सेरजानि देंखोजौ।

मुसि थनिजा ब्रह्म
गामि- डालवाबारि
जिला- कक्राझार बि टि सि (आसाम)।

दाहा

बुजिस' हायाखैमोन आं नौनि मेगननि फाव खोनास हायाखैमोन आं नौनि गोसोनि राव; नौदि होदौमोन आंनो लाइजाम मोजां मोन्नायनि खोथाबो। बिहरदौमोन नौ आंनिसिम, जिउनि जोबथा समाय। गोसोआव हांखुरसे दावदाबखौ लानानै थाहैगोन आं नौखौ नेनानै रजे आं हरे मारुआव जिउनि बै गोजोन फुरियाव।

मुसि रिन्दाव बसुमतारी
गामि 12नं भुमका बिसमुरी
जिला- कक्राझार बि टि सि (आसाम)।

फावखुंगुर राजकुमार रावनि 'मिस्टार एन्ड मिसेज माहि' सावथुना गोबां अन्साय जादों

राजकुमार रावनि सावथुन 'मिस्टार एन्ड मिसेज माहि' आ सावथुन जागासिनो दं। बेनि सिगां रिलिज जानाय बिथानि 'श्रिकान्त' आबो टिकेट विन्डआव बाखाय जादोंमोन। बे सावथुनाव राजकुमार रावआ मेगन नुयै सुबुनि फाव खालामदों, जायनि थाखाय बिथाडा सुबुफोरजों गोबां बाखायजादों। अदेबानि 'श्रिकान्त'नि रां आरजिनायाव जेना सोमजिनाय नुनोमोन्दों, नाथाय रिलिजनि ब्रैथि सप्ताहयाव सावथुना फिन खेब गोखों आरजिनो हानायखौ नुनो मोन्दों। मे दानआव रिलिज जानाय सावथुनफोराव 'श्रिकान्त'नि अनगायैबो मनज बाजपेयीनि 'भैया जी' आबो



दोहौं लाबोनाय सावथुनफोरनि गेजेराव मोनसे। 100थि सावथुन 'भैया जी' आव पिन खेब मनज पाजपेयीआ गावनि गोहोखौ दिन्थिदों। बिहारी बाबु राम चरण त्रिपाठि जानानै मनज बाजपेयीआ सिनायथि होदोंदि,

मोनसे कमन मैननि नख'रनि जेव्वा बाथा फ़ैयो, अब्ला बियो जेखौबो खालामदों हायो। सावथुननि रिलिज जानाया 10 सान जाबाय। बेनि आरजिनायाव गोबां जेना जानाय नुनो मोन्दों, नाथाय रबिबाराव

फालांगि खालामदों। 'श्रिकान्त'आ सिगां सप्ताहयाव 17.85 कौटि कालेकशन खालामदोंमोन। नैथि सप्ताहयाव सावथुना 13.65 कौटि आरजियो। थामथि सप्ताहयाव 8.9 कौटि कालेकशन खालामो। आथिखालाव बे सावथुना रिलिजनि ब्रैथि सप्ताहयाव सोलिगासिनो दड। ब्रैथि शुक बारआव 'श्रिकान्त'आ 1.4 कौटिन कालेकशन खालामो हायो। शनिबारआव सावथुननि आरजिनाया दावख्खायदों। बेजों लोगोसे गासै बे सावथुननि कालेकशनआ 44.30 कौटि रां आरजिदों।

दिव्येन्दु शर्माआ सावथुनफोराव गोबां खाबु मोनगासिनो दं



हिन्दी सिनेमाफोराव जेव्वाबो नुनो मोनोदि, फावगिरिफोरनि मोनसे जाफुंसारनायनि उनाव बिथामोननि थाखाय जोबनो गैयै खाबु फ़ैनाया जागयो। बे बोसोराव सावथुन मडगाव एक्सप्रेसनि जाफुंसारनायनि उनावो फावखुंगुर दिव्येन्दु शर्माआजोंबो थिग बिबिन्दो जादों। आथिखालाव दिव्येन्दुआ कमिडि सावथुनफोराव गोबां खाबु मोनगासिनो दड। बिथाडा दासान्दि इमार्जिन्स टिकटनि बान्जायनायाव जानो गोनां फजिवाडैनि फारसे स्व'खालामगासिनो दं। बे स्व'आव बिथांखौ सासे बिहारि हौवानि फावआव नुगोन। स्व'खौ लानानै दैनिक जगरणनि मावगिरि आखबार मिड डे सावथुनयाव दिव्येन्दुआ फोरमायदोंदि, आं मोनसे आलादा प्रजेक्ट मावगासिनो द, जाय इमार्जिन्स टिकटआव जानो गोनां धीयलफोरनि सोमोन्दै जागोन। बे स्व'आव आं गिबि खेब बिहारि हौवानि फाव खालामदों। बेनि अनगायैबो आं मोनसेबाव स्व'खालामदों, जेराव दासान्दि कास्टल मुं होनाय जादों। बेयाव आं सासे माहाजोन हौवानि फाव खालामदों। दिव्येन्दुनि सावथुन अग्निआबो नुजाथिनायनि लामायाव दं। वेब सिरिज मिर्जापुरआव मुन्ना भैयानि फाव दिन्थिनानै मुंदांखा जानो हानाय दिव्येन्दु शर्माआ बेनि उनाव 'मडगाव एक्सप्रेस' आरो 'दा फेमिली मेन' सिरिजआव नुजाथिदों, नाथाय बिथांखौ दासिमबो 'मिर्जापुर' बायदि फावजोंसो गोसोखाडो। आथिखालाव फावखुंगुरआ गिबियावनो बेखौ थि खालामखाबाय। बे खेबआव बिथाड थामथि सिजनआव बाहागो लानाय नड। गुबुन फारसैथि मिर्जापुर 3 रिलिजनि अक्टूखौ लानानैबो आथिखालाव जेबो सोराडव फ़ैयाखै। नाथाय मिबथिहोनाय जोदोंदि, दाबावैसो, दानआव बेखौ लानानै गोदान खौरां फ़ैनो हागौ।

'खतरों के किलाड़ी 14' नि शुटिआ जागायबाय

रहित शोट्टिनि रियेलिटी स्व' 'खतरों के किलाड़ी 14' खौ लानानै सुबुफोरनि गेजेराव मोजाडै क्रेज जानायखौ नुनो मोन्दों। साफ़ोमबो बे स्व'खौ नेनानै दड। आसिम रियाज, शालिन भन्त आरो अभिषेक कुमारजों लोगोसे माखासे सेलिब्रिटीफोराबो बे स्व'नि बाहागो जादों, जाय रमानियाआव सफ़ैबाय आरो बेवहाय बेनि शुटिआ जागाबाय। बेनि उनाव माखासे सिगां सुलुंआव मिबथिहोनाय बादिब्ला, बे स्व'नि गिबि एलिमिनेशनआबो जाबाय।



बेयाव आसिम, निमृत, शालिन आरो अभिषेकआ नमिनेट जादों। बेनि अनगायैबो, दाबावैसो बे स्व'खौ लानानै गोदान खौरांआ सोराडव फ़ैदों। सिगां

सप्ताहयावनो बयनिखुइबो गोखों कन्टेस्टेन्टआ स्व'निफ़्राय बायजोआव थानांबाय। 'खतरों के किलाड़ी 14' खौ थाबेनो टिभिआवबो नुनोमोनसिगोन,

नाथाय स्व'खौ मोजां मोनगिरिफोरा जेव्वाबो बेजों लोब्बा थानाय आपडेटखौ सशोल मिडियाआव मोन्नो हादों। बिथां मोनहानो बे

खौरांखौ शेयार खालामदोंदि, अभिषेक निमृत, शालिन आरो आसिमआ नमिनेसन फारिलाइयाव दं। इ-टाइम्सनि रिपटनि बादिब्ला, आसिम रियाजखौ स्व'निफ़्राय बायजोआव थाहोबाय। मिबथिहोनाय जायोदि, आसिमआ स्व'नि हस्त रहितजों लोगोसे स्टायटआव जेनायनि उनाव दुंहाव थासारि सोमजिदों। बेनि जाहोनाव बिथांखौ बायजोआव थिनहदों। अदेबानि बेयाव दासिमबो आसिम एबा मेकासनिफ़्राय जेबो अफिसियेल मिबथिहोनाय जायाखै। खतरों के किलाड़ी सिजन 14 याव माखासे गोखों कन्टेस्टेन्ट नुनो मोनगोन। बे लिस्टआव बिग बस 17 नि फाइनालिस्ट अभिषेक कुमारजों लोगोसे 'दा कपिल शर्मा स्व' नि सुमना चक्रवर्ति, करण विर मेगरा, अदिति शर्मा, आसिष महरा, कृष्णा श्रफ, शालिन भन्त, निमृत कौर अहलुवालिया, गशमिर महाजनि, नियति फतनानि मोनहावो दड।

ऋत्विक साहरेआ सावथुनफोराव फ़ैनायनि खाबु मोन्नायनि बागै फोरमायदों



सेलेन्सफोर आरो जेनाफोर सुबुनि जिजनि मोनसे बाहागो। 'इन्दौरि इश्क' आरो फ्लेम्स' वेब सिरिजनि फावखुंगुर ऋत्विक साहरेनि जेनाफोरखौ नोजोर होनाया आलादामोन। ऋत्विकखौ एमेजन मिनि टिभिआव बावैसो सिगां रिलिज जानाय वेब सिरिज 'जमननापार' आव सिए शोकनि फाव दिन्थिनय नुनो मोन्दों। शैकिआ गावनि सिमांखौ जापुंसार खालामनो थाखाय माखासे जेनाफोरजों मोगा-मोगि जानादों। दैनिक जगहरणजों

सावरायनायाव ऋत्विकआ बुंदोंदि, जेनाफोराथ' साफ़ोमबोनि जिजआव फ़ैयो, नाथाय गोनांथिआ बेसोदि, बे सुबुड बे जेनाफोरखौ माबायदि नोजोरजों नायो। 'ऋत्विक साहरेआ आरोबाव मिबथिहोबावोदि, बिथाडा माबोरैहाय सावथुनफोराव फ़ैनायनि खाबु मोनखो। फावखुंगुरआ बुडो, आं मोनसे मलआव आंनि बिमा-बिफाजों लोगोसे बेरायगासिनो दडमोन, अब्ला आंखौ कास्टि डायरेक्टर रहन

मापुस्कारआ नुदोंमोन आरो आंखौ अडिशननि थाखाय सोंदों। अब्ला आं 6थि थाखोआव फरायोमोन। बे समाव बिमा-बिफाया बुंदोंमोनदि, बेफोरखौ दानो नांथवा। लेखा फराय, नाथाय बिथामोनहा आंखौ हगारसारना दोन्दोंमोन, जे नों मा खालामनो गोसो, बे खौ खालाम। आं जेव्वाबो बिसोरनि हेफाजाव मोन्दों, बे जाहोनावनो आं दा बेयाव दं। ऋत्विक साहरेआ 'फरारी की सवारी' सावथुनाव शरमन जशिनि फिसालानि फाव खालामदोंमोन। बे सावथुननि कास्टि डारेक्टआ रहन मापुस्कारआनोमोन। बिथाडा वेब सिरिज 'फ्लेम्स' निफ़्राय मुंदांखा जादों। थानाय बोसोरनि बिथांनि सिरिज 'हाइवे लव' आबो गोबां अन्सायजादोंमोन।

उर्फि जाभेदनि शेयार खालामनाय सावगारिफोरखौ नुनानै इउजारफोरा गोमोदों



बिग बस अटिटि सिजन 1 निफ़्राय मिथिसार जाबोनाय उर्फि जाभेदआ गावनि फेसन सेन्सखौ लानानै खौरांफोराव थादों। गोमोथाव आरो बल्ड आउटफोटाओनो उर्फिनि सिनायथि जानानै थाबाय। बिथांखौ मोजां मोनगाफोर फावखुंगुरनि गोदान लुकरनि थाखाय जेव्वाबो नेनानै थायो। नाथाय बिथांनि आथिखालनि सावगारिखौ नुनानै इउजारफोरा गोमोदों। बे बाश्राखौ रावबो मिथियै गैयादि, उर्फि जाभेदआ गावनि महराव गोबां खेब फिलर्स खालामखांबाय। गोबां खेब बिथांनि महरा

मोखाडाव रानस्त्राव जायो। दाबावैसो फावखुंगुरिआ इनस्टाग्रामआव माखासे सावगारिफोर शेयार खालामदों, जेराव बिथांनि महरखौ नुब्ला नोथाडाबो गिगोन। सावगारिआव उर्फिनि महरआ रानस्त्राव आरो माखासे दागो दडमोन। उर्फि जाभेदआ बे सावगारिफोरखौ शेयार खालामनानै मिथिहोयोदि, सुबुफोरा सादों जे बिथाडा फिलर्स खालामहैदों, नाथाय बिबिन्द नडा। सावगारिजों लोगोसे बिथाड केप्सनआव बुंदोंदि, आंनि महरखौ लानानै आं गोबां दुखु मोनगासिनो दड,

मानोना आं गोबां फिलर्स खालामजाबाय। आंहा एलाजि जादों, आंनि महरआ बांसिन समावनो गोरान जानानै थायो। आं सानफ़ोमबो बिबिन्दो सिखारो आरो आंनि महरआ गोरार जानानै थायो। आं जेव्वाबो गोसोखौ गात्रि साहस गैयै मोन्दांथियो। उर्फि जाभेदआ मिथिहोदोंदि, बिथांनि महरनि बिबिन्द जानाया फिलर्सनि थाखाय जायाखै। ये रिश्ता क्या कहलाता है फावखुंगुरिआ लिरदों, फिलर्स नडा, एलाजिसो। इम्युनथेरापि सोलिगासिनो दड। बेनिखायनो जुदि नोंसार गुबुन खेब आंखौ रानस्त्राव महरजों लोगोसे नुबावोब्ला बुजिना लादो जे आं एलाजिनि जेनाजों भुगिनांगासिनो दड। आं आंनि नमैल फिलर्स आरो बटावसनि अनगायै जेबो खालामजायाखै, जायखौ आं 18 बोसोर बैसोफिनफायनो खालामबोगासिनो दड।

फावखुंगुरि रबिना तन्दनआ रबिबार मोनायाव मोनसे जेनायाव गोग्लैदों

रबिबारखालि रबिना तन्दनआ मोनसे जेनायाव गोग्लैदों। बिथांनि सायाव सासे बैसो जानाय आइजोनि सायाव गारि सालायखोनाय आरो बेजों लोगोसे बुलायनायनि दाय राबिसिन्दों। बुनाय जादोंदि, रबिनाया निसा फेनाय थासारियाव सासे आइजो आबो बेनि नख'रनि सुबुजों बुलायदों। आथिखालाव मुम्बाइ पुलिसआ बे दाय जाबसिन्नायखौ नेवसिदों। मुम्बाइ पुलिसआ मिबथिहोयोदि, रबिना तन्दन आरो बिथांनि ड्रइभरनि बेरेखायै माखासे सुबुआ जौ फेनायनि थासारियाव बुलायनायनि दाय जाबसिन्ना केस थिसन्दोंमोन। उनाव जेव्वा पुलिसआ नायबिजिरनायनि गेजेरजों सिसिटीभि फुटेजखौ नुयो अब्ला थार जाथाइखौ मिबथियो।




जेनाया बुलाय-सोलायसिम सहैयाखेमोन। सानैनि गेजेराव खालि नांलायनायल' जादोंमोन। बे केसआव फावखुंगुरि कंगना सौतनि रिपेक्शनआ सोराडव फेदों। शनिबारनि मोनायाव रबिना तन्दन आरो बिथांनि ड्रइभरजों बान्दायाव माखासे आइजोफोरजों नांलायनाया जादों। उनाव आइजोनि फिसाज्जलाया फावखुंगुरिनि बेरेखायै फेनानै गारि सालायखोनायनि दाय जाबसिन्दों। बे जेनायाव

मुम्बाइ पुलिसआ मिड-डे जों सारियल। यनायव मिबथिहोयोदि, गारिखो उथिं फावसयनायाव रबिना आरो बिनि ड्रइभरआ हिन्जावजों नांलायनाय जादों। बाथाया नांलाय लायनायसिम सहैबायमोन। पुलिसआ मिबथिहोयोदि, रबिनाया फेनाय नडामोन। पुलिसआ बुंदोंमोनदि, रबिनायाबो केस जाबसिनो थादोंमोन, नाथाय उनाव बिथाड केस थिसन्नो नेवसिदों।

7 बोसोर बैसोनि गथ 'साखौ सासे सुबुड जिनाहारि खालामना बुथारदों

वारिपदा, 3 जुन : उरिष्यानि मयूरभन्ज जिल्लानि कुलियाना थाना ओन्सोलनि सिडाव गोग्लैनाय दरसे गामियाव गोमोथाव जाथाय नुजाथिदों। बेयाव सासे सुबुआ 7 बोसोर बैसोनि

गथ'खौ गोब्राबै जिनाहारि खालामनानै बुथारो। अदेबानि भुगिनांघाया न'आव हारसिडै मोन आरो बिनि बिमा-बिफाया भट सोनो थादोंमोन। हारसिडैनि खाबु लानानै सुबुड सिगाडव बेनि



सायाव मुगैथाव खामानि मावो आरो बेनि उनाव बिखौ बुथारो। 23 बोसोर बैसोनि दायनिगिरिया सिगाडव आइजोनि न'आव थाडो आरो बेखौ बेयावनिफ़्राय दैमानि सेराव

लानानै थादोंमोन। बेयाव बियो गोब्राबै बिखौ जिनाहारि खालामनानै बिनि गोदोनाखौ हास'यो। गामियारिफोरा गथ'नि गोथे सह'खौ बोखानानै दायनिगिरिखौ हमो आरो

बिखौ पुलिसनो गथायो। सासे बिबानिगिरिया फोरमायनाय बायदिब्ला आइपिसिनि आटिकेल 376 (एबि आथोनारि उतरखार) आरो 302 (बुथारनाय)नि गेजेरजों बेनि केस थिसनो।

शुटार इशा सिंहआ आइएसएसएफ वर्ल्ड कापनि फाइनालाव सौहैबाय



मासिआव जायगा मोन्दो। सन्दिप सिंहआ 10 मिटर एयर राइफल इभेन्टआव 631.4 पइन्टजो 9 थि नम्बरआव जायगा मोन्दो। नाथाय बिथाडा फाइनालाव सौहैनो हायाखिसै। दिब्यांस पनवारआ बे समाव 631.2 पइन्टजो 12, रुड्काक्स पाटिलआ 630.7 पइन्टजो 17 मासिआव जायगा मोन्दो। अजुन बबताआ रेकिं पइन्टनि थाखाय बे समाव नोजोर लाखिदोमोन। बिथाडा 635.1 पइन्ट स्करजो साबसिनआव दिन्थिफुनाय गेलेगिरि जादो। बिथाडा बे इभेन्टआव बे सानखालि नैथि साबसिन स्कर लानाय शुटारबो जानो हादो।

गोदान दिल्ली, 3 जुन: भारतनि आइजो शुटार इशा सिंहआ मोजाडै दिन्थिफुनायजो क्वालिफिकेशन राउन्डआव 293 स्कर लानानै आइएसएसएफ वर्ल्ड कापनि आइजोफोरनि 25 मिटर पिस्टल फाइनालनि थाखाय क्वालिफाइ जाबाय। इशाआ 6 थि मासिनफ्राय फाइनालाव सौहैदो। गुबुन फार्से

समान रेकिनि रिदम शांवावना 281 स्करजो 68 थि मासिआव जायगा मोन्दो। आइजोफोरनि एयर राइफलआ रिमिताआ 633.0 पइन्टजो ब्रैथि मासिआव थादो आरो बेजोको बिथाडा बिमुनि बादायलायनाय राउन्डसिम सौहैदो। बे समाव तिलतमा सेनआ 30 आरो इलाबेनिल क्लारिबानआ 45 थि

अमित पंधाल आरो जेशमीनआ अलिम्पिक कटा आर्जिबाय

गोदान दिल्ली, 3 जुन: भारतनि मुंदांखा बक्सर अमित पंधालआ हौवाफोरनि केटेगिरिआव आरो जेशमीन लेम्बरियाआ आइजोफोरनि केटेगिरिआव पेरिस अलिम्पिक कटा आर्जिनी हाबाय। अमितआ नैथि वर्ल्ड क्वालिफिकेशन टुर्नामेन्टनि क्वाटर् फाइनालाव बेरेखा बादायारिखो 5-0 स्करआव फेजेन्दो। बे देरहानायजोको बिथाडा पेरिस अलिम्पिक कटा थाखाय क्वालिफाइ जादो। 51 कि:ग्रा: लिस्थायायि केटेगिरिआव बिथानि कटा आर्जिनाया बक्सिआव भारतनि मिजिथिखो आरोबाव बाहोदो। वर्ल्ड सेम्पियनसिपआव भारतनि सासेल' हौवा सिलभार मेडेल देरहानाय पंधालआ क्वाटर् फाइनालाव लीयुखो 5-0 स्करआव फेजेन्नानै नैथि खेब अलिम्पिक गेम्सआव गेलेनायनि



टिकेट मोनो हायो। गुबुन फार्से जेशमीनआ आइजोफोरनि 57 कि:ग्रा: लिस्थायायि केटेगिरिआव अलिम्पिक कटा आर्जिनी हायो। दासिमाव भारतनि सा 6 बक्सरफोरा अलिम्पिक कटा आर्जिबाय। अमित आरो जेशमीन सिगां भारतनिफ्राय निसान्त देबआ 71 कि:ग्रा:, निक हत जरिनआ 50 कि:ग्रा:, प्रिटि पवारआ 54 कि:ग्रा: आरो लाभलिना बरगाहाइआ 75 कि:ग्रा: लिस्थायायि केटेगिरिआव

अलिम्पिक कटा टिकेट मोनखांबाय। पंधालनिसिम पेरिस अलिम्पिकआव जायगा मोन्यानि थाखाय खेबसेल' खाबु दसैमोन। मानोना गिबि खेबनै क्वालिफाइ इभेन्टआव वर्ल्ड सेम्पियनसिपनि ब्रन्ज मेडेलिस्ट दिपक भरियाजो बिथाडा जेन्नादोमोन। नाथाय बे खेबआव 2018 नि एसियान गेम्सआव सेम्पियन जानाय पंधालआ गावनि रोग्थिजो जाफु'सारनो हादो।

भारतीय फुटबल हान्जानि केप्टेनआ सोमोनांथाव फोसावथाय हेदो

गोदान दिल्ली, 3 जुन: भारतीय फुटबल हान्जानि गाहाइ कच इगर स्टिमेकआ फेगो 6 जुनखालि कुवेतनि हेथायै गेलेनो गोनां मेचनि सिगांनो मोनसे फोसावथाय हेदो। बिथाडा जानो गोनां फिफा वर्ल्ड काप क्वालिफायरनि बे मेचनि उनावनो गेलेगिरिफोरनि केरियारआव जौगानाय एबा सोलायनाय फेनो हागौनि खोथा हेदो। फिफा वर्ल्ड काप क्वालिफायरनि नैथि राउन्डनि नख'रि सिजननि बे मेचआव भारतआ साल्टलेक स्टेडियमआव कुवेतजो बादायगोन। बेनि उनाव भारतनि हान्जाया फेगो 11 जुनखालि काठारजो बिसोरनि नख'रि फोथारआव बादायहेगोन। गुवाहाटीआव जालानाय मेचआव भारतनि हान्जाया आफगानिस्ताननि हेथायै



जेन्नादोमोन। सोलिफु समाव भारतनि हान्जाया रेकिंआव 121 मासिआव दड। बेबादि थासारिआवबो भारतआ गिबि खेब 2026 वर्ल्ड कापनि क्वालिफायरनि थामथि राउन्डआव सौहैनो हागो। स्टिमेकआ अल इन्डिया फुटबल फेडरेशननिसिम बादायनो गोनां बे मेचखो जर'खा फोरमायदो। लोगोसे बे मेचनिफ्रायनो गेलेगिरिफोरनि केरियारआव सोलायनाय फेनो

थाखाय गोनांथि जानाय थासारिआव नोजोर, गोसोयारि गोखो'थि आरो गावयारि फोथायनायजो दिन्थिफुनागोनि सायाव गावसोरनि नोजोर लाखिनायखो फोरमायदो। जायनि थाखायनो बिथाडा गेलेगिरिफोरखो गोब्राब नाजानो खावलायदो। भारतनि हान्जाया दासिमाव खेब 6 मेचआव जेन्नांबाय। मख'नो गोनां बाश्नादि, बे मेचफोरनि गेजेराव भारतआ गरसेल' गल सोदो। स्टिमेकआ जानो गोनां बे मेचनि थाखाय मोननै अप्सनि सायाव नोजोरथि लाखिनायखो फोरमायदो। बिथाडा गिबियाव देरहानायनि थाखाय गावसोरनि नोजोरथि लाखिनायखो फोरमायो आरो बे थाखोसिम सौहैनायनि थाखाय सांग्राथिजो गेलेनायनि गोनांथिखो फोरमायो।


आर प्रज्ञानन्दआ नर्वे चेसआव जेन्नायजो मोगा-मोगि



गोदान दिल्ली, 3 जुन: आर प्रज्ञानन्द आरो आर भैशालीआ नर्वे चेस टुर्नामेन्टनि 6 थि राउन्डआव जेन्नांबाय। गुबुन फार्से मेगनास कार्लसनआ गात्रि फर्मआव दिन्थिफुनाय डि लिरेनखो फेजेन्नानै 12 पइन्टजो आवगायबाय। आमेरिकानि फेबियान' कारुआनाआ समान रेकिनि बादायारि हिकार नाकामुराखो फेजेन्नानै सा 6 गेलेगिरिफोरनि गेजेराव डबल राउन्ड रबिननि गेजेरजो खुंजानाय बे इभेन्टआव कार्लसनखो आवगायहोनायाव मदद हेदो। भारतनि बिब'-फंबायनि जरा प्रज्ञानन्द आरो भैशालीआ मिजिथि बादिथै दिन्थिफुनो हायाखै। प्रज्ञानन्दखो क्लासिकल मेचआव फ्रान्सनि

फिर'जा अलिरेजाआ फेजेन्दो। बे समाव प्रज्ञानन्दआ अलिरेजानो माखासे गोखो सेलेन्ज होदोब्लाबो बिथाडा आमगेडन टाइ ब्रेकारआव जेन्नाडे। बिथानि बिब' भैशालीआ चीननि वर्ल्ड अमेन सेम्पियन बेन्जुन जुजो जेन्नादो। आधिखालाव खेबब्रे राउन्डनि बादायनांगो मेचआ आद्रा दंबावो। बे समसिमआव टप नम्बरआव जायगा मोन्याय कार्लसननि उनाव 11 पइन्टजो नाकामुराआ नैथि नम्बरआव आरो प्रज्ञानन्दआ 9.5 पइन्टजो थामथि नम्बरआव जायगा मोनो। अलिरेजाआ 8 पइन्टजो ब्रैथि आरो कारुआनाआ 6.5 पइन्टजो बाथि नम्बरआव जायगा मोनो। चीननि डि लिरेनआ दासिमाव 2.5 पइन्टल' आर्जिनानै दड। आइजोफोरनि केटेगिरिआव बेन्जुन जु आरो आन्ना मुजिचुकआ भैशालीनि जायगायाव आवगायनो हादो। जु आरो मुजिचुक सानैबो समान 10.5 पइन्ट आर्जिबाय। जेराव भैशालीआ बिथामोननिफ्राय खावसे पइन्ट उनाव दड। टिजी लेइखो मुजिचुकआ आमगेडन टाइ ब्रेकारआव फेजेन्दो। लेइआ 7 पइन्टजो ब्रैथि नम्बरआव जायगा मोनानै दड। भारतनि गेलेगिरि कनेर हम्पीनिफ्राय बिथाडा 2 पइन्ट सिगाडव दड। जेराव आमगेडनआव हम्पीआ सुडेननि प्रिया क्रमलिंजो जेन्नादो। क्रमलिंआ 4.5 पइन्टजो पइन्टनि फारिलाइआव जोबथायाव जायगा मोनो।

हर्षित पवारआ टप रेकिनि अभिमन्युखो फेजेन्दो



गोदान दिल्ली, 3 जुन: वर्ल्ड जुनियर चेस सेम्पियनसिपनि गिबि राउन्डआव भारतनि हर्षित पवारआ टप रेकिनि गेलेगिरि आरो मुलुगनि बयनिबो लाइमोनसिन ग्रेन्ड मास्टर अभिमन्यु मिश्राखो फेजेन्दो। हर्षितआ खेबसे दबथायनायनि उनाव आमेरिकानि बादायारिखो मोनबो खाबु होयालासे फेजेन्दोमोन। गिबि राउन्डआव गासै सा 51 गेलेगिरिफोर देरहानो हादो आरो गावसोरनि फर्मखो लाखिनो ओंखारदो। रासियानि आरियम स्त्रीबुकआवो भारतनि भिएस नन्दिशनि हेथायै जेन्नादो। हिन्जावसाफोरनि केटेगिरिआव टप रेकिनि दिव्या देशमुखआ अमुपम एम श्रीकुमारखो फेजेन्दो। नैथि टप रेकिनि भारतीय बादायारि रक्षिताआ समान थाखोनि बादायारि एम शिवम सिकारखो फेजेन्दो। बे इभेन्टनि बेखेवजेन्नाय समाव खेब 5 वर्ल्ड सेम्पियन बिस्वनाथन आनन्दआ बाहागो लाहैदो। बे इभेन्टआव खेब 11 राउन्ड थागोन। जायनि उनाव आन्डार 20 केटेगिरिआव मोननैबो केटेगिरि साबसिन गेलेगिरिफोरनि थांखिआ थि जाहैगोन। डि गुकेश आरो आर प्रज्ञानन्द बायदि टप जुनियर गेलेगिरिफोर बे इभेन्टआव बाहागो लायाखै। मानोना बिथामोनबा सोलिफु समाव एलिट चेसआव बाहागो जानानै दड।

टी-20 वर्ल्ड कापनि भारतीय हान्जायाव गोबां सोलायनाय नुनो मोनगोन

गोदान दिल्ली, 3 जुन: टी-20 वर्ल्ड काप 2024 आ गिबि जुनियरफ्राय जागायबाय। नाथाय भारतआ दासिमबो गावसोरनि गिबि मेचखो गेलेनो मोनाखै। भारतनि हान्जाया आयारलेण्डनि हेथायै गिबि मेच गेलेनायजो सोलिफु बोसोरनि वर्ल्ड कापखो जागायदो। बेबादि थासारिआव भारतनि हान्जानि फारिआव प्लेइ 11 आव जायगा मोनगोन गेलेगिरिफोरनि सायाव सौथि सिखाडे। थामहिनबा प्लेइ 11 फारिआव सोखादि गेलेगिरिआ जायगा मोनगोन बेनि सान्दांथिआ अन्सायगिरिफोरनि



गोसोआव गोनो-होथो जानानै दड। भारत आरो आयारलेण्डनि गेजेराव टी-20 वर्ल्ड कापनि गिबि मेचआ फेगो 5 जुनखालि जागोन। निउयर्कआव बादायनो गोनां बे मेचनि थाखाय भारतनि हान्जाया आबुडै नो थियारि जानानै दड। भारतआ बेनि सिगां गावसोरनि वार्मआप मेचखो बांलादेशनि हेथायै गेलेखांबाय। जेराव भारतनि हान्जाया मोजाडै

दिन्थिफुदोमोन। नाथाय बे मेचआव भारतीय हान्जानि बारग' केप्टेन भिराट कहलीआ बाहागो जानो हायाखैमोन। नाथाय वर्ल्ड कापनि गाहाइ मेचआव हान्जाजो कहलीआ बाहागोआव थागोनआ रोखा। भारत आरो बांलादेशनि गेजेराव गेलेनाय वार्मआप मेचआव केप्टेन रहित शर्माजो सन्जु शर्मसना मोजाडै इनिंस

टी-20 वर्ल्ड कापनि जारिमिनआव सुपार अभा मेचनि गेलेनायाव रेकर्ड थिसन जादो

गोदान दिल्ली, 3 जुन: टी-20 वर्ल्ड कापनि जारिमिनआव दिनेसिमआव खेबथाम सुपार अभा मेच गेलेनाय जाबाय। थामथि सुपार अभा टी-20 वर्ल्ड कापआ 2024 आव थिसनजादो। जेराव नामिभियाआ अमानखो सुपार अभाआव फेजेन्दो। वर्ल्ड कापनि जारिमिनआव 2024 आव थामथि सुपार अभा गेलेनाय जादो। 12 बोसोरनि उनाव गेलेजानाय बे मेचआव नामिभियाआ मोजाडै दिन्थिफुदो। जेराव बेनि सिगां सुपार अभाआ 2012 आव गेलेजादोमोन। निउजिलेण्डनि हान्जाया मोनसे एंखादि हान्जा जानानै फेब्रव। जाय टी-20 वर्ल्ड कापआव खेबनै सुपार अभा मेच गेलेनायावबो जेन्नादो। टी-20 वर्ल्ड कापआव गिबि सुपार अभाआ 2012 नि 27 सेप्टेम्बरखालि निउजिलेण्ड



आरो श्रीलंका नि गेजेराव गेलेजादोमोन। बे मेचआव निउजिलेण्डनि हान्जाया गिबि बेटिजो 174 रन लादोमोन। बेनि उनाव श्रीलंकायाबो बेटिनि फिन्नायाव 174 रन लादोमोन। जायनि उनाव वेस्ट इन्डिजआ गिबि बेटिजो 13 रन लादोमोन आरो बेरेखा हान्जानो देरहानायनि थाखाय 14 रननि टगैट हेदोमोन। बेनि

फिन्नायाव निउजिलेण्डनि हान्जाया सुपार अभाआव 7 रनल' लानानै जेन्नादोमोन। बेनि उनाव 2012 आवनो नैथि सुपार अभा जादोमोन। वेस्ट इन्डिज आरो निउजिलेण्डनि गेजेराव बादायनाय मेचआव वेस्ट इन्डिजआ गिबि बेटिजो 139 रन लादोमोन। जायनि फिन्नायाव निउजिलेण्डआवो 139 रन लादोमोन।

निउजिलेण्डनि थाखाय बे सुपार अभाआव रस टेलारआ मोजाडै दिन्थिफुनाय 17 रन लादोमोन। जायनि उनाव वेस्ट इन्डिजनि हान्जाया 1 अभाआव 19 रन लानानै मेचआव देरहायो। टी-20 वर्ल्ड कापनि जारिमिनआव थामथि सुपार अभाआव सोलिफु सिजनआव नामिभिया आरो अमाननि गेजेराव जानानै थाडो। बे मेचआव अमाननि हान्जाया गिबि बेटिजो 109 रन लादोमोन। जायनि फिन्नायाव नामिभियाआवो 109 लाफिन्दोमोन। नाथाय सुपार अभाआव गिबि बेटिजो नामिभियानि हान्जाया 21 रन लादोमोन। जायनि फिन्नायाव अमाननि हान्जाया 10 रनल' लानो हादो।

एफआइएडस प्र: लीगआव भारतआ ब्रिटेनजो जेन्नादो

गोदान दिल्ली, 3 जुन: एफआइएडस प्र: लीगनि लन्डन सिजननि गावसोरनि नैथि मेचआव भारतनि हौवाफोरनि हकी हान्जाआ ग्रेट ब्रिटेनजो जेन्नादो। मेचखो बान्जायग्रा ब्रिटेनआ बे मेचआव भारतखो 1-3 गलनि फारागआव फेजेन्दो। जेराव बेनि सिगां हरमनप्रीट सिंहजो दैदनजानाय भारतनि हान्जाया वर्ल्ड सेम्पियन जार्मानीखो 3-0 गलनि फारागआव फेजेन्दोमोन। नाथाय ब्रिटेननि हेथायै जालानाय मेचआव भारतनि हान्जाया गावसोरनि बे फर्मखो लाखिनायाव फेल्ले जादो। ब्रिटेननि थाखाय बन्दुराकआ फारिये 2 आरो 11 थि मिनिटआव गरने गल सोदो आरो थामथि गलखो बान्जायग्रा हान्जानि जानानै केलनन उइलआ 47 मिनिटआव सोदो। भारतनि थाखाय गरसेल' गलखो अभिषेकआ 35 मिनिटआव सोनो हादो। मख'नो गोनांदि, भारतआ बे मेचआव गासै खेब 8 पेनाल्टि कर्नार मोन्दोमोन। जायनि गेजेराव भारतआ गरसेबो गल सोनो हायाखै। गुबुन फार्से ब्रिटेनआवो मेचआव खेब 5 पेनाल्टि

कर्नार मोन्दोमोन। जेराव बे हान्जायाबो फेनाल्टि कर्नारनि खाबुखो गलनि महर होनायाव फेल्ले जादो। भारतआ एफआइएडस प्र: लीगनि फारिलाइआव जेन्नायनि उनावबो ब्रिटेननिफ्राय मोनसे मासि सिगांसिन थामथि मासिआव दड। बे खेबआव भारतनि हान्जाया फेगो 8 जुनखालि जार्मानीनि सेलेन्जआव ओंखारगोन।



कर्नार मोन्दोमोन। जेराव बे हान्जायाबो फेनाल्टि कर्नारनि खाबुखो गलनि महर होनायाव फेल्ले जादो। भारतआ एफआइएडस प्र: लीगनि फारिलाइआव जेन्नायनि उनावबो ब्रिटेननिफ्राय मोनसे मासि सिगांसिन थामथि मासिआव दड। बे खेबआव भारतनि हान्जाया फेगो 8 जुनखालि जार्मानीनि सेलेन्जआव ओंखारगोन।